

K O M U N I K A T E

LIDHUR ME REZULTATET E REFERENDUMIT

Më 1 dhe 2 mars 1992 në Preshevë, Bujanovc dhe Medvegjë me sukses u mbajt Referendumi për Autonomi Territoriale Politike të Shqiptarëve në këtë rajon. Qytetarët në mënyrë masovike dhe në atmosferë solemne iu përgjeggjën ftesës për Referendum. Në Preshevë dhe Bujanovc, qytetarët e shprehën vullnetin e lirë dhe të pa penguar. Ndërsa në komunën e Medvegjës Referendumi u zhvillua në kushte të jashtëzakonshme, meqë në disa vendvotime intervenuen organet e punëve të brendshme. Në fshatin Zvicër kur ishte në përfundim e sipër deklarimi i qytetarëve për tën milicionerët dhe arrestuan kryetarin e Këshillit votues, Behmet Veselin dhe anëtarin e Këshillit votues, Raif Baftiun, me çka u pengua rrjedha normale e Referendumit. Gjithashtu në fshatin Tupallë pasi u krye Referendumi u morën në bisedë informative qytetarët Zeqir Kadriu dhe Naman Ismajli. Pas Referendumit dukshëm është shtuar prezenca e patrollave policore në fshatrat e banuara me Shqiptarë në Medvegjë.

Në këto tri komuna, në 71 vendvotime votuan 37.17% qytetarë që paraqet 96,34% nga numri i përgjithshëm i votuesve Shqiptarë. Gjithashtu 6.423 qytetarë të këtij rajoni votuan në vendvotimet në Botën e Jashtme ku gjenden në punë të përkobshme edhe ate në Zvicër, Gjermani, Suedi, Danimarkë, Norvegji, Austri dhe Australi. Kjo do të thotë se në Referendum dolën 96,36% prej 45.014 qytetarëve Shqiptarë me të drejtë vote në këto tri komuna, kurse për Autonomi u deklaruan 99,94% të votuesve.

Lidhur me Autonominë Territoriale Politike të Shqiptarëve në Medvegjë, Bujanovc dhe Preshevë u deklaruan edhe 4.325 Shqiptarë të këtyre komunave që sot jetojnë në Kosovë dhe Maqedoni.

Rezultatet e këtij Referendumi tregojnë se Shqiptarët e këtij Rajoni i japin përkrahje të plotë Kuvendit për Autonomi Territoriale Politike të Shqiptarëve në Preshevë, Bujanovc dhe Medvegjë me të drejtë bashkimi me Kosovën, prandaj kbetet që Kuvendi në të ardhmen të angazhohet në sendërtimin e vullnetit të shprehur me anë të Referendumit.

PRESHEVË, 4 MARS 1992



IBRAHIM KADRIU
Ibrahim Kadriu